

Visoki predstavnik i specijalni predstavnik EU Inzko se sastao sa državnim sekretarom SAD Hillary Clinton



Visoki predstavnik i specijalni predstavnik EU Valentin Inzko sastao sa danas u Sarajevu sa državnim sekretarom SAD Hillary Rodham Clinton u novoj zgradi ambasade SAD. Visoki predstavnik i specijalni predstavnik EU pohvalio je ključnu ulogu koju su Sjedinjene Američke Države igrale u stabilizaciji i razvoju regije i zahvalio gospođi Clinton na posjeti. "Ova posjeta je važan znak da Bosna i Hercegovina zauzima visoko mjesto među prioritetima na svjetskoj sceni, a došla je u ključnom momentu."

Visoki predstavnik i specijalni predstavnik EU Inzko naglasio je da rezultati opštih izbora održanih 3. oktobra u Bosni i Hercegovini predstavljaju priliku za novi početak. "Politički lideri moraju što prije oformiti nove vlade, kako bi se pozabavili hitnim reformama koje će vratiti zemlju na put euroatlanskih integracija. Da bi se to desilo, moraju radikalno promijeniti svoj način rada."

Visoki predstavnik i specijalni predstavnik EU i državni sekretar SAD razgovarali su o važnosti punog provođenja programa "5 plus 2". Rekavši da je u posljednjih nekoliko

godina postignut neznatan napredak, visoki predstavnik i specijalni predstavnik EU izrazio je nadu da će novi politički lideri BiH krenuti naprijed u ispunjavanju tog programa u predstojećem periodu. "Međunarodna zajednica mora zadržati čvrst stav kada je riječ o ispunjenju ciljeva i uslova za zatvaranje OHR-a, u skladu sa zaključkom Vijeća za implementaciju mira iz februara 2008. godine. Veliki izazovi, kao što je pitanje državne imovine, i dalje nisu riješeni", rekao je visoki predstavnik i specijalni predstavnik EU.